

54

25. marz

4. gr.
Tilgangur sjóðsins er sá, að styrkja Dalamenn til hvers konar framkvæmda, er að gagni megi koma til eflingar jarðrækt innan sýslunnar, svo sem verkfæra-kaupa og girðinga, með verðlaunagreiðslu fyrir jarðræktarframkvæmdir, en þó einkum til þess, að bændur geri hentug skýli (geymsluskúra) yfir búvélar sínar og verkfæri.

5. gr.

Umsóknir um styrk úr sjóðnum skal stíla til oddvita sýslunefndar Dalasýslu, og skal að jafnaði fylgja vottorð trúnaðarmanns búnaðarfélagsskapar á því svæði, er umsækjandi býr, um framkvæmd þá, er styrkbeiðnin er stíluð fyrir, og lýsing hennar. Þeir einir njóta styrks úr sjóðnum, sem búsettir eru í Dalasýslu og vinna framkvæmdirnar innan sýslunnar.

6. gr.

Eignir sjóðsins skal ávaxta í Sparisjóði Dalasýslu, Söfnunarsjóði Íslands eða hönkum landsins, kaupa ríkistryggð verðbréf, eða lána gegn fyrsta veðrétti í fasteign, þó aldrei hærra en svo, að veðið sjálf sé jafnan örugg trygging fyrir tvöfaldrí lánsupphæðinni.

Aldrei má skerða höfuðstól sjóðsins og að jafnaði skal leggja að minnsta kosti einn fjórða hluta vaxtanna við höfuðstólinn. Þó hafa gefendur sjóðsins rétt til að veita styrk úr sjóðnum, er nemi öllum vöxtum hans.

7. gr.

Reikningsár sjóðsins er almanaksárið og skal féhirðir leggja fram á aðalfundi sýslunefndar Dalasýslu reikning sjóðsins yfir þá liðið ár, endurskoðaðan af manni þeim, er sýslunefnd velur til þess starfa. Endurskoðandi skal kosinn til fjögurra ára í senn.

8. gr.

Skipulagsskrá þessi öðlast gildi 23. desember 1945.

9. gr.

Leita skal forsetastaðfestingar á skipulagsskrá þessari.

55

25. marz

Staðfesting forsetans á skipulagsskrá fyrir „Minningarsjóð um Magnús Stefánsson skáld (Örn Arnarson)“, útgefin á venjulegan hátt að mandatum af dómsmálaráðherra 25. marz 1946.

Skipulagsskráin er þannig:

SKIPULAGSSKRÁ

fyrir Minningarsjóð um Magnús Stefánsson skáld (Örn Arnarson).

1. gr.

Sjóður þessi er stofnaður til minningar um Magnús Stefánsson skáld (Örn Arnarson), á ártíð hans 12. desember 1944, og samkvæmt samþykkt á skiptafundi í dánarhúsi hans 7. desember 1943.

Er stofnfé sjóðsins allar eftirlátnar eignir dánarbús Magnúsar Stefánssonar, þar með talinn eignarréttur að ritum hans, auk gjafa, er sjóðnum hafa borizt.

2. gr.

55

22. jan.

Tilgangur sjóðsins er, að fé hans verði varið til þess að koma upp bókasafni við væntanlegt hvíldarheimili fyrir aldraða sjómenn. Má strax og hvíldarheimilið er komið á stofn, verja allt að $\frac{4}{5}$ af því, er sjóðurinn þá kann að eiga, til bóka-kaupa í þessu skyni. Síðan má árlega verja tekjum sjóðsins til bókasafnsins, þó svo, að helmingur vaxta leggist jafnan við höfuðstól, þar til að hann er orðinn 50 þús. kr.

3. gr.

Sjóðnum skal aflað tekna eftir því, sem við verður komið og stjórn sjóðsins telur heppilegast, meðal annars með því að gefa út rit skáldsins og er heimilt að lána fé úr sjóðnum í því skyni.

4. gr.

Stjórn sjóðsins skal vera sú sama og stjórn hvíldarheimilisins og hefur hún að öðru leyti en því, er skipulagsskráin greinir, óbundnar hendur um stjórn og meðferð sjóðsins. Halda skal gerðabók um allar styrkveitingar og aðra meðferð sjóðsins.

Fyrir sjóðinn skal gera árleg reikningsskil, sem endurskoðast af endurskoðendum hvíldarheimilisins og skulu reikningar síðan birtir opinberlega.

5. gr.

Fé sjóðsins skal geymt í sparissjóðsbók í Landsbankanum eða í rikisskuldabréfum, eftir því sem við verður komið.

6. gr.

Verði af einhverjum ástæðum ekki hægt eða þurfi ekki með þeirra ráðstafana, sem er tilgangur sjóðsins, skal honum varið samkvæmt tillögum stjórnar Sjómannafélags Reykjavíkur, til hagsbóta fyrir íslenzka sjómannastétt.

7. gr.

Leita skal staðfestingar á skipulagsskrá þessari og hún síðan birt í B-deild Stjórnartíðinda.

G J A L D S K R Á

56

um greiðslu fyrir aukaverk sóknarpresta.

30. marz

1. gr.

Aukaverk sóknarpresta eru hin sömu, er tíðkamt hafa samkvæmt fyrirmælum laga og venjum þjóðkirkjunnar.

2. gr.

Fyrir aukaverk ber prestum greiðsla eins og hér segir:

a. Fyrir skráningu nafns barna í ministerialbók (skírn)	kr. 5.00
b. — fermingu ásamt undirbúningi	— 20.00
c. — hjónavígslu	— 15.00
d. — greftrun (líksöngseyrir)	— 10.00
e. — endurskoðun kirkjureiknings	— 2.00
f. — vottorð, sem prestur gefur í embættisnafni	— 1.00

Á upphæðir þessar skal greiða verðlagsupphót samkvæmt vísitölu framfærslu-kostnaðar.